

ANGLIA NOVA.



Septentrionalis quædam America pars, quam hodie Novam Angliam vocamus, intra 41 & 45 latitud. gradum interjacet, à flumine sive sinu Pennobscot ad promontorium Cod recta fere linea.

Sinus *Pennobscot*, in quem fluvius ejusdem nominis descendit, decem milliaria ab ortu in occasum, totidem ab Austro in Arctum patet: multis insulis divisus, quarum quædam decem milliaria longæ, varios sinus & portus aperiunt. Versus ortum *Tarentini* incolunt, Gallorum confederati, quibus juges inimicitia & bella cum *Bessabeis*, qui ex adverso degunt. Ad lævam *Meccadacut* jacet, ad radices montium, quos æquor lambit, quique tam altis jugis assurgunt, ut sedecim aut XVIII milliarium intervallo eminens à navigantibus conspiciantur. Sinui objacet insula *Sorisco*, præalta situ, ideoque Gallis *Isle Haute* dicta. Huic proximus est locus *Segochet*, deinde *Nusconcus*, *Pemmakid* & denique ad eandem oram annis *Sevadaboc*; ad quem olim colonia Anglorum fuit deducta: juxta hunc *Aumukiangeni*, *Kinnebeky* & alii barbari sedes suas atque arva habent. Fluvius hic quadraginta aut quinquaginta milliaria è continenti descendit, ripæ utrimque arenosis tumulis & nemorosis rupibus obsessæ, præterquam ubi barbari accolunt, ibi enim solum est satis fertile & pinguis gleba.

Ab hoc versus occasum provincia *Aucocisco* amplissimi sinus gremio prætenditur, multæque insulæ cum suis portubus per sinum sunt sparsæ. Haud longe hinc *Sowocotuck*, ad angulum Continentis, qui latum sinum aperit, arenoso quidem littore, sed crebris insulis & cautibus illi objectis, aditu difficilem & non nisi minoribus navigiis commodum. Quid multa? tota hæc ora à *Pennobscot* huc usque & longius à *Pennobscot* versus ortum, ejusmodi rupibus & insulis scatet, ut mirum sit, tam procerarum arborum feracem esse, neque quicquam hic est, quod intuentes non magis deterreat, quam afficiat: tamen mare hic, si usquam, mire piscosum, & hæc insulæ tot arboribus amœnæ, tot fontibus riguæ, tam variis fructibus dites, tantaque hic avium copia, ut non careat fide, licet littora tam aspera sint, tamen convalles & interiora continentis fecundissimo esse solo.

Littus versus occasum sequentibus *Accominti* America.

cus & *Passataquak* occurrunt, modici portus & minoribus navigiis opportuni, & juxta littus fertile solum. His proxima est *Angoam*, provincia satis amœna, sed portus illius propter brevem navigantibus infidus est, & sinus ab alto mari remotior. Multi hic colles modice consurgunt, qui à barbaris coluntur. Versus ortum insula objacet, duo aut tria milliaria in longitudinem patens, media sui parte pascua & latissimi graminis ferax, reliqua nemorosa & pulcherrimis moris opaca, coloniarum deducendæ valde idonea, præsertim propter tutissimum portum. *Naimkeck* solo licet petrosiore, tamen *Angoam* non multum est inferior, incolæ deteriores.

Paulo ulterius insigne promontorium *Trabigzanda* vaste in altum se projicit (*Champlanio* S. *Ludovici*, Hollandis *Wyngaerdshoeck*), cui tres insulæ objacent, quas vulgo *Turcarum* capita appellant, versus septentrionem latum sinum pandens, juxtaque multi barbarorum pagi jacent, cum suis arvis, qui cum Gallis commercia exercent: ad occasum autem insulæ adjacent *Matthabuntiorum* cum suis stationibus.

Hoc promontorium prætervectis *Massachusettsorum* provincia occurrit, quam hujus tractus *Paradisum* haud immerito dixeris: arva hic frugum feracia penè innumera, & littora strigentibus vix aliud sese offert amœnitas aut fecunditas: barbari frequentes & cum Gallis commercia exercere sueti, ingenio satis placido, sed si irritentur, etiam fero & indomito. Hinc ad *Accomack* navigatur, egregium portum & fertile solum, segnitie tamen gentis obscurum.

Hunc prætervectos promontorium *Cod* accipit (*Gall. Cap. Blanck*), terræ tantum veluti cornu, in præaltos arenarum tumulos, & humilibus pinorum fruticetis vestitos, assurgens; & pone ipsum portus, adversus incerta ventorum egregie tutus. Promontorium ipsum ab uno latere patenti sinu, ab altero vasto Oceano cingitur, falcis messoriae forma: *Pawmetti* barbari promontorii cervicem, sinus gremium *Chaxum* accolunt: ora quæ grandem sinum cingit, nullis quidem brevibus aut rupibus impedita est, vadusior tamen, quam ut majoribus navigiis propius adiri possit. *Champlanus* hic portum à se observatum in commentario retulit, quem *portus* aut *Huistres* ab ostreorum abundantia vocat, quinque milliaria ab hoc promontorio versus Africum. In interiori sinu *Nausit* insula jacet; ad continentem provincia *Capawack*, late patens & frumenti feracissima, habitatoribus frequens, & si barbaris fides, in mediterraneis aris aliorumque metallorum venis scatens.

Solum